

# Fjala e Perëndisë erdhi te profeti William Marrion Branham

## **“Jezus Krishti është Perëndia”**

*Tani ky është zbulimi: Jezus Krishti është Perëndia.* Jehovahi i Dhjatës së Vjetër, është Jezusi i së Resë. Sado fort të përpiqesh, nuk mund të provosh se ka TRE Perëndi. Por nevojitet, gjithashtu, një zbulim nga Shpirti i Shenjtë që të bëjë të kuptosh të vërtetën se Ai është Një. Nevojitet një zbulim për të parë se Jehovahi i Dhjatës së Vjetër është Jezusi i së Resë. Satana u zvarris në kishë dhe i verboi njerëzit ndaj kësaj së vërtete. Dhe, kur ata ishin verbuar ndaj saj, nuk kaloi gjatë, derisa Kisha e Romës ndaloi të pagëzojë në Emër të Zotit Jezus Krisht.

Unë e pranoj se duhet një zbulim i vërtetë prej Shpirtit të Shenjtë për të parë të vërtetën rreth Hyjnisë, këto ditë, kur po shtrembërohet kaq shumë Shkrimi. Por kisha mbisunduese, kapërcimtare është ndërtuar mbi zbulimin, kështu që ne mund të presim Perëndinë të zbulojë të vërtetën e Tij për ne. Megjithatë, ti faktikisht nuk ke nevojë për një zbulim mbi pagëzimin uJOR. Ai është drejt atje, duke të vështruar ngultas në fytyrë. A do të ishte e mundur, për një minutë, që apostujt të udhëhiqeshin në rrugë të gabuar nga një urdhër direkt i Zotit të pagëzonin në Emër të Atit e Birit e Shpirtit të Shenjtë dhe atëherë t'i gjeni ata në mosbindje të qëllimshme? Ata e dinin çfarë ishte Emri dhe nuk ka asnjë vend në Shkrimin ku ata pagëzuan ndonjë mënyrë tjetër nga ajo, në Emër të Zotit Jezus Krisht. Mendimi i shëndoshë do t'ju tregonte se Libri i Veprave është kisha në veprim dhe nëse ata pagëzuan në atë mënyrë, atëherë ajo është mënyra për të pagëzuar. Tani, nëse ju mendoni se ajo është e fortë, ç'mendoni për këtë? Kushdo që nuk ishte pagëzuar në Emër të Zotit Jezus, duhej të pagëzohej përsëri.

Vepra 19,1-6: “Dhe ndodhi që, ndërsa Apollo ishte në Korint, Pali, mbasi kaloi nëpër brigjet e sipërme, erdhi në Efes: dhe, kur gjeti disa dishepuj, u tha atyre: Ju keni marrë Shpirtin e Shenjtë që kur besuat? Dhe ata i thanë atij: Ne madje as që kemi dëgjuar, se paska ndonjë Shpirt të Shenjtë. Dhe ai u tha atyre: Me çfarë, pra, u pagëzuat? Dhe ata thanë: Me pagëzimin e Gjoni. Atëherë Pali tha: Gjoni me të vërtetë pagëzoi me pagëzimin e pendimit, duke u thënë njerëzve, se ata duhej të besonin tek Ai, i Cili duhej të vinte pas tij, domethënë te Krishti Jezus. Kur ata e dëgjuan këtë, u pagëzuan në Emër të Zotit Jezus. Dhe, kur Pali kishte vënë duart e tij mbi ta, Shpirti i Shenjtë erdhi mbi ta dhe ata folën me gjuhë dhe profetizuan”. Ja tek është. Këta njerëz të mirë në Efes kishin dëgjuar për Mesinë e ardhshëm. Gjoni e kishte predikuar Atë. Ata u pagëzuan për pendesë të mëkateve, duke vështruar PËRPARA për të besuar te Jezusi. Por tani ishte koha për të vështruar PRAPA te Jezusi dhe të pagëzoheshin për FALJEN e mëkateve. Ishte koha të merrnin Shpirtin e Shenjtë. Dhe kur ata u pagëzuan në Emër të Zotit Jezus Krisht, Pali vuri duart e tij mbi ta dhe Shpirti i Shenjtë erdhi mbi ta.

Oh, ata njerëz të dashur në Efes ishin njerëz të mirë; dhe nëse ndokush kishte të drejtën të ndihej i sigurt, ishin ata. Vini re sa nga larg kishin ardhur. Ata kishin bërë tërë rrugën që ta pranonin Mesinë e ardhshëm. Ata ishin gati për Atë. Por nuk e shihni se ata, megjithatë, e patën humbur Atë? Ai kishte ardhur e kishte ikur. Ata duhej të pagëzoheshin në Emër të Zotit Jezus Krisht. Ata duhej të mbusheshin me Shpirtin e Shenjtë.

Nëse keni qenë pagëzuar në Emër të Zotit Jezus Krisht, Perëndia do t’ju mbushë me Shpirtin e Tij. Ajo është Fjala. Vepra 19,6, që ne lexuam, ishte përmbushja e Veprave 2, 38: “Pendohuni dhe pagëzohuni, secili prej jush, në Emër të Jezus Krishtit për faljen e mëkateve dhe ju do të merrni dhuratën e Shpirtit të Shenjtë”. Shikoni, Pali, nëpërmjet Shpirtit të Shenjtë tha pikërisht atë ç’tha Pjetri nëpërmjet Shpirtit të Shenjtë. Dhe ajo që u tha

NUK MUND të ndryshohet. Ajo duhet të jetë e njëjta nga Pentekosti e derisa të jetë pagëzuar i zgjedhuri më i fundit. Galatasve 1,8: “Por nëse ne, ose një engjëll nga qielli ju predikojmë ndonjë ungjill tjetër, nga ai që ne ju kemi predikuar, qoftë i mallkuar”.

Tani disa prej jush, o njerëz Njëjtësi, pagëzoni gabimisht. Ju pagëzoni për rigjenerim se po të zhyteshit në ujë do të shpëtonit. Rigjenerimi nuk vjen nëpërmjet ujit; ai është vepër e Shpirtit. Njeriu që me anë të Shpirtit të Shenjtë dha urdhrin: “Pendohuni dhe pagëzohuni secili në Emër të Zotit Jezus”, nuk tha se uji rigjeneronte. Ai tha se ajo ishte vetëm provë e “një ndërgjegjeje të mirë ndaj Perëndisë”. Kjo ishte e gjitha. 1 Pjetër 3,21: “Figura e ngjashme, sipas së cilës edhe pagëzimi tani, gjithashtu, na shpëton ne në fakt (jo heqja e pisllekut të mishit, por përgjigjja e një ndërgjegjeje të mirë ndaj Perëndisë) nëpërmjet ringjalljes së Jezus Krishtit”. Unë e besoj atë.

Nëse dikush ka ide të gabuara, se historia mund të provojë pagëzimin uJOR në ndonjë mënyrë tjetër nga ajo në Emër të Zotit Jezus Krisht, unë do t’ju këshilloja të lexoni historinë dhe ta gjeni për veten tuaj. Ajo që vijon është një raport i vërtetë i një pagëzimi, që ka ndodhur në Romë, në vitin 100 pas Krishtit, dhe që u riprodhua në revistën TIME, më 5 dhjetor 1955. “Dhaku ngriti dorën e vet dhe Publius Decius hyri nëpër derën e pagëzimores. Thellë në vaskë, deri në brez, ishte Markus Vaska, shitësi i druve. Ai po buzëqeshte, kur Publiusi çapitej në vaskë në krah të tij. ‘Credis?’, pyeti ai. ‘Credo’, u përgjigj Publiusi. ‘Besoj se shpëtimi im vjen nga Jezus Krishti, i Cili u kryqëzua nën Pontius Pilatin. Vdiqa me Atë, qe me Atë të kem Jetën e Përvetshme’. Atëherë ai ndjeu krahë të fortë që e mbajtën, kur e la veten të binte pas, në vaskë dhe dëgjoi në veshin e tij zërin e Markusit — ‘Unë të pagëzoj ty në Emër të Zotit Jezus’ — ndërsa uji i ftohtë e mbuloi”.

Pikërisht derisa e vërteta humbi (dhe nuk u kthye deri në këtë epokë të fundit — kjo është që nga Niceja deri në fillim të këtij shekulli), ata pagëzuan në Emër të Zotit

Jezus, Krisht. Por ajo ka ardhur përsërai. Satani nuk mund ta mbajë zbulimin mbuluar, kur Shpirti dëshiron ta japë atë.

Po, nëse do të kishte tre Perëndi, ju shumë mirë mund të pagëzonit për një At e një Bir e një Shpirt të Shenjtë. Por ZBULIMI DHËNË GJONIT, ishte, se ka NJË PERËNDI dhe Emri i Tij është ZOT JEZUS KRISHT dhe ju pagëzoni për NJË Perëndi dhe vetëm një. Ja përse Pjetri pagëzoi në atë mënyrë siç bëri në Pentekost. Ai duhej të ishte i drejtë ndaj zbulimit, i cili ishte: “Gjithë shtëpia e Izraelit, le ta dijë me siguri se Perëndia ka bërë atë TË NJËJTIN JEZUS, të Cilin ju keni kryqëzuar, SI ZOT ASHTU DHE KRISHT”. Ja ku është: “ZOTI JEZUS KRISHT”.

Nëse Jezusi është EDHE Zot EDHE Krisht, atëherë Ai (Jezusi) është, e s’mund të jetë tjetër, por “Ati, Biri dhe Shpirti i Shenjtë” në NJË Person të mishëruar. NUK është “Perëndia në tre veta, trinia e bekuar”, por NJË PERËNDI, NJË PERSON me tre tituj madhorë, me tri zyra, duke manifestuar ata tituj. Dëgjoje atë edhe një herë. Ky i njëjti Jezus është “EDHE Zot EDHE Krisht”. Zoti (Ati) dhe Krishti (Shpirti i Shenjtë) janë Jezusi, sepse Ai (Jezusi) është TË DY ata (Zoti dhe Krishti).

Nëse ajo nuk na tregon ne zbulimin e vërtetë të Hyjnisë, atëherë nuk do të na tregojë asgjë. Zoti NUK është një tjetër; Krishti NUK është një tjetër. Ky Jezus është Zoti Jezus Krisht — NJË PERËNDI.

Filipi një ditë i tha Jezusit: “O Zot, na trego Atin dhe ajo do të na mjaftojë ne”. Jezusi i tha atij: “Kam qenë kaq gjatë me ju dhe ju nuk më njihni Mua? Ai që më ka parë Mua, ka parë Atin, pra pse thua, Tregona ne Atin? Unë dhe Ati Im jemi Një”. Unë e citova atë një herë dhe një zonjë tha: “Pra një minutë, zoti Branham, ju dhe gruaja juaj jeni një”. Unë thashë: “Jo tamam kështu”.

Ajo tha: “Ju kërkoj ndjesë?”.

Pra unë i thashë: “A më shihni mua?”.

Ajo më tha: “Po”.

I thashë: “A e shihni gruan time?”.

Ajo më tha: “Jo”.

Unë i thashë: “Atëherë ajo njëjtësi është e një lloji tjetër, sepse Ai tha, Kur ju më shihni Mua, ju shihni Atin”.

Profeti tha se do të kishte dritë në kohën e mbrëmjes. Në hymn shkruhet:

Do të jetë Dritë në kohën e mbrëmjes,  
Shtegun drejt Lavdisë ti sigurisht do ta gjesh,  
Në udhën e ujit, ajo sot është Drita,  
Varrosur në Emrin e çmuar të Jezusit.  
Të rinj dhe të vjetër, pendohuni për gjithë  
mëkatën tuaj,  
Shpirti i Shenjtë me siguri do të hyjë brenda.  
Drita e mbrëmjes ka ardhur,  
Është një fakt se Perëndia dhe Krishti janë  
një.

Jo shumë kohë më parë unë po flisja me një Rabbi çifut. Ai më tha: “Ju joçifutët nuk mund ta ndani Perëndinë në tri pjesë dhe t’ia jepni Atë një çifuti. Ne dimë më mirë se ajo”.

Unë i thashë atij: “Pikërisht ajo është, o Rabbi, ne nuk e ndajmë Perëndinë në tri pjesë. Ju i besoni profetët, apo jo?”.

Ai tha: “Sigurisht që po”.

“A besoni tek Isaia 9,6?”.

“Po”.

“Për kë po fliste profeti?”.

“Për Mesinë”.

I thashë: “Në ç’marrëdhënie do të jetë Mesia me Perëndinë?”.

Ai tha: “Ai do të jetë Perëndia”.

Unë i thashë: “Po, është e drejtë”. Amen.

Nuk mund të vini Perëndinë në tre veta ose në tri pjesë. Nuk mund t’i thoni një çifuti se ka një At dhe një

Bir dhe një Shpirt të Shenjtë. Ai do t'ju thotë menjëherë nga erdhi ajo ide. Çifutët e dinë se ky besim u themelua në Këshillin e Nicesë. Nuk është çudi që ata na përbuzin si paganë.

Ne flasim mbi një Perëndi që nuk ndryshon. Çifutët e besojnë gjithashtu atë. Por kisha e ka ndryshuar Perëndinë e vet të pandryshueshëm nga NJË në TRE. Por drita po kthehet në kohën e mbrëmjes. *Sa mahnitëse është ajo, që kjo e vërtetë ka ardhur në kohën, kur çifutët po kthehen në Palestinë.* Perëndia dhe Krishti janë NJË. Ky Jezus është EDHE ZOT EDHE KRISHT.

Gjoni pati zbulimin dhe JEZUSI ishte Zbulimi dhe Ai e paraqiti veten e Tij pikërisht këtu në Shkrimin — “Unë JAM Ai Që Qe, Që Është dhe Që Do Të Vijë, i Plotfuqishmi. Amen.”

Nëse zbulimi është përtej teje, shiko lart dhe kërko Perëndinë për të. Ajo është mënyra e vetme me të cilën ti ngaherë mund ta marrësh atë. Një zbulim duhet të vijë prej Perëndisë. Ai kurrë nuk vjen nga dhuntitë njerëzore, natyrore, por nga mbushja Shpirtërore. Ti madje mund ta mësosh përmendsh Shkrimin dhe, megjithëse kjo është një gjë e mrekullueshme, ai nuk do ta bënte atë. Duhet të jetë një zbulim nga Perëndia. Thuhet në Fjalën se asnjëri nuk mund të thotë se Jezusi është Krishti veçse nëpërmjet Shpirtit të Shenjtë. Ti duhet ta marrësh Shpirtin e Shenjtë dhe atëherë dhe vetëm atëherë Shpirti mund të ta japë zbulimin se Jezusi është Krishti: Perëndia, i Vajosuri.

(Nga *Një Paraqitje E Të Shtatë Epokave Të Kishës*)  
Shtypur në shqip më 1997.

VOICE OF GOD RECORDINGS

P.O. Box 950, Jeffersonville, Indiana 47131 U.S.A.

## Copyright notice

All rights reserved. This book may be printed on a home printer for personal use or to be given out, free of charge, as a tool to spread the Gospel of Jesus Christ. This book cannot be sold, reproduced on a large scale, posted on a website, stored in a retrieval system, translated into other languages, or used for soliciting funds without the express written permission of Voice Of God Recordings®.

For more information or for other available material, please contact:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)